



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno 633. Usque Ad Annum 726

**Fleury, Claude**

**August. Vind. [u.a.], 1760**

**VD18 90117840**

§. 56. Adeodatus obit. Donus Papa.

---

[urn:nbn:de:hbz:466:1-66082](https://nbn-resolving.org/urn:nbn:de:hbz:466:1-66082)

tas vivendi secundum Regulam sine præ-  
 judicio Jurisdictionis Episcopi Diœcesani  
 quoad Ordinationes. Sæculum VII  
 A. C. 677.

Inde autem dispicitur, Congregatio-  
 nem ad Sepulchrum S. Martini funda-  
 tam verum fuisse Monasterium, in quo  
 Disciplina Regularis vigebat.

§. LVI.

*Adeodatus obit. Donus Papa.*

Adeodatus Papa anno 677. decessit. U-  
 na Ordinatione mense Dec. Presby-  
 teros quatuordecim, Diaconos duos, &  
 aliis temporibus per diversa loca Epis-  
 copos quadraginta sex creaverat. Se-  
 pultus est ad S. Petrum 26. Jun. vaca-  
 vitque S. Sedes mensibus quatuor & di-  
 midio. Tum electus est Donus seu Do-  
 mnus, Romanus, Mauritiï filius, qui an-  
 num unum menses quinque & sex dies  
 fedit. Is aream, quam porticus qua-  
 tuor ambiebant, ante Ecclesiam S. Petri  
 marmore quadrato stravit. Ecclesiam  
 quoque Apostolorum via Ostiensi repa-  
 ravit, eamque sicut etiam Ecclesiam  
 S. Euphemie via Appia consecravit.  
 Cum Romæ in Monasterio, quod Boëtii  
 dicebatur, invenisset Monachos Syros,  
 Nestorianos, illis in diversa Monasteria  
 sparsis, in Boëtii Monasterium Monachos  
 Romanos immisit. Domno S. Sedem  
 tenen-

*Anast.*

Sæculum VII tenente Ecclesia Ravennatensis, quæ ab  
A. C. 677. Ecclesia Romana secesserat, obtendens,  
 se nulli esse subjectam, ad obedientiam  
 rediit, illisque diebus Episcopus Repara-  
 tus mortem oppetiit. Constantinopoli  
 Joanne Patriarcha anno 677. vita functo,  
 successit Constantinus Diaconus, Ærario  
 præfectus, & œconomus, seditque an-  
 num unum & octo menses.

## §. LVII.

*S. Leodegarius persecutionem  
 patitur.*

In Francia necdum turbarum finis. Tor-  
 quebat Ebroinum fortuna Leudesii,  
 quem Dignitate Majoris Domus exorna-  
 verant; igitur abjecta veste Monachi,  
 iterum uxori jungitur, milites conducit,  
 & in Regem Theodoricum movet. Leu-  
 desium spe pacis deceptum in casses per-  
 traxit, & interfici jussit. Tum duobus  
 Episcopis ob nota flagitia depositis Deli-  
 derato, cognomento Diddone, Cabillo-  
 nensi, & Abbone seu Bobone, Valenti-  
 no, in scelerum societatem adscitis, ad-  
 esse Regis Clotarii III. filium, quem Clo-  
 doveum appellabat, commentus est,  
 sparsitque in vulgus, Theodoricum diem  
 oppetiisse. Ipse deinde, quasi novum  
 Regem populis exhibiturus, in Neu-  
 striam duxit exercitum, duobus Episco-  
 pis

*vit. S. Leod.  
 per Anon.  
 to. 2. Aft.  
 Ben. p. 686.  
 s. 8.*